

## Buchvernissage von Herbert Huber (4.5.2018)

G'stoose voll dr Ängelsaal,  
me hed kei Wahl,  
mr muess es da erläbe.  
Äs gid keis Bliibe, keis Chläbe,  
me muess eifach dette sii.

Me merkt's de glii,  
uf dr Biini dr Peter Gysling,  
midem Herbert im chline Ring,  
fragid und plaiderid midenand,  
über Läbe, Bruef und allerhand.

Dr wahri Grund, das isch klar,  
äs niis Buech vum Gastro-Star.  
«Geschichten & Gekochtes», dr Titel.  
Mid hechem Schopf und wiisem Chittel,  
mid allerhand Rezäpt  
und eifach, wieme ä so läbt.

Aber nid nur das, nu ebbis z'Ässe,  
das hätti schier vergässe.  
Hackdätschli und Härdelpfelstock,  
das macht hit nu geil und bock.

So hemers alli gnosse,  
sind z'fride, unverdrosse  
de langsam hei zue gange.  
Ä Aabig, woneim g'fange  
und grossi Freid  
i alli Härze innetreid.

Ich meinti, so set's ai wiiter gah,  
mier wäärid gääre wieder da.

H. Wyss